

Zeitschrift: Annalas da la Societad Retorumantscha
Herausgeber: Societad Retorumantscha
Band: 55 (1941)

Artikel: Statuts della Societad Retoromontscha
Autor: [s.n.]
DOI: <https://doi.org/10.5169/seals-210998>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 15.04.2026

ETH-Bibliothek Zürich, E-Periodica, <https://www.e-periodica.ch>

Statuts

della

Societad Retoromontscha

(Fundada ils 15 de december 1885)

*Revedi ed acceptai dalla radunonza generala
dils 21 de matg 1937.*

Intent della Societad.

Art. 1.

Combat per il manteniment e la preservaziun dil lungatg mumma, il pli vegl lungatg della tiara. Cultivaziun de quel en ses idioms specials, encurend d'avischinar quels in a l'auter sco era d'evitar in memia grond spargliament de forzas, mieds e publicaziuns.

Art. 2.

Collecziun e conservaziun de monuments dil lungatg romontsch e publicaziun de semeglientas ed autras lavurs scientificas, belletristicas ni dramaticas, poesias etc. seigi ellas Annalas, igl organ annual della Societad, seigi en ovras specialas.

Art. 3.

Compigliaziun ed ediziun dil Diczionari Romontsch Grischun (Idioticon) e promoziun d'autras semeglientas lavurs scientificas en favur dil lungatg, de sia derivonza ed historia.

Organisaziun.

Art. 4.

Per commember della Societad vegn admess scadin, de tgei nazionalitad, lungatg ni idiom ch'el seigi, sch'el paga la contribuziun annuala.

In commember sa vegnir sclaus, sch'el adimplescha buca sias obligaziuns visavi la Societad ni sche siu secuntener fa donn a quella ni a sia mira.

Art. 5.

Mintga treis onns elegia la radunonza generala en sia emprema seduta digl onn la suprastanza, che secompona silmeins da siat commembers, che duessen sche pusseivel sereparter sils differentes idioms e sillas differentas contradas romontschas.

Il president vegn elegius dalla radunonza generala; la suprastanza seconstituescha pil rest da sesezza.

Art. 6.

La suprastanza meina ed administrescha las fatschentas della Societad confuorm agl intent della Societad ed elegia ord siu ravugl il redactur ni ina commissiun de redacziun dellas Annalas.

Art. 7.

La Societad salva en mintga cass duas gadas per onn ina radunonza generala e seradunescha schiglioc aschi savens sco la suprastanza tegn per necessari.

Sche pusseivel duei silmeins ina radunonza haver liug ora silla tiara.

Art. 8.

Il material scientific sco era la biblioteca ed il mobiliar che survescha alla redacziun dil Diczionari Romontsch Grischun (D. R. G.) ein proprietad della Societad Retoromontscha. Quella, resp. sia suprastanza elegia redacturs e gidonters e numna la commissiun linguistica. Las incumbenzas de quella vegnan fixadas en ina decisiun speciala della suprastanza.

Obligaziuns dils commembers.

Art. 9.

Mintga commember paga annualmein frs. 5.— ella cassa della societad e retscheiva perencunter gratuitamein igl organ annual, las Annalas.

Art. 10.

Ils commembers promovon ton sco pusseivel las miras ed ils intents della Societad Retoromontscha sco era la collecziun de monuments romontschs e la propagaziun dellas Annalas.

Art. 11.

Eventualas collecziuns, la biblioteca della societad, copias de referats pli impurtants mess a disposiziun, vegnan confuorm al pareri della Societad Retoromontscha deponi ella biblioteca cantonale a disposiziun dils commembers della Societad. Quella resalva denton il dretg de proprietad.

Art. 12.

Lungatg official ellas radunonzas ei il romontsch en ses differents idioms ed ils commembers sesprovan d'evitar ton sco pusseivel expressiuns jastras.

Art. 13.

La facultad della Societad resta, per cass che quella havess de sesligiar, en mauns della biblioteca cantonale ed aschilunsch ch'ei setracta de daners ni de tetels en mauns della administraziun cantonale de finanzas. Ella duei vegnir surdada ad ina nova societad cun medem intent e medema mira che havess de vegnir fundada.

Art. 14.

Quels statuts remplazzan ils emprems statuts della Societad Retoromontscha dils 15 de december 1885 e san vegnir revedi da tut temps, cun la majoritad absoluta dellas vuschs dils commembers presents, dalla radunonza generala, convocada per quei intent confuorm a quests statuts ni allas prescripziuns legalas dil Cudisch Civil Svizzer.

Art. 15.

En cass de dubi ni aschilunsch che quels statuts cuntengnan buca prescripziuns, valan las normas dil Cudisch Civil Svizzer.

Cuera, ils 21 matg 1937.

Per la radunonza generala della
Societad Retoromontscha,

Il president: *Dr. Rob. Ganzoni.*

Igl actuar: *Dr. Aug. Cahannes.*